



ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

22, Երևան, 0025, Ալեք Մանուկյան 1 • Республика Армения, Ереван, 0025, Алека Манукяна 1 • 1 Alex Manoogian st., Yerevan, 0025, Republic of Armenia
(+374 10) 55-47-52 (+374 10) 55-46-41 (Fax), info@ysu.am, www.ysu.am

13 Հոկտեմբեր, 2025

«ՄՈՆՈՊՐԻՆՏ» ՍՊ ԸՆԿԵՐՈՒԹՅԱՆ ՏՆՕՐԵՆ ԱՐՄԵՆ ԱՐՄԵՆԱԿՅԱՆԻՆ

(ՀՎՀՀ՝ 01844711,

հասցե՝ «ՀՀ, ք. Երևան, Մալաթիա-Սեբաստիա Անդրանիկի փ 96 ծրն».

էլ. փոստ՝ «monoprint1@mail.ru»)

ԾԱՆՈԻՑՈՒՄ

ՊԱՅՄԱՆԱԳԻՐԸ ՄԻԱԿՈՂՄԱՆԻ ՀՈՒՇԵԼՈՒ ՄԱՍԻՆ

Հարգելի՛ պարոն Արմենակյան,

«Երևանի պետական համալսարան» հիմնադրամի (այսուհետ՝ ԵՊՀ) կողմից 2025 թվականի մայիսի 19-ին տեղեկագրում (www.gnumner.am) հրապարակվել է ԵՊՀ կարիքների համար տպագրական աշխատանքների ձեռքբերման «ԵՊՀ-ԷԱՃԱՇՁԲ-25/129» ծածկագրով գնման ընթացակարգ (այսուհետ՝ Ընթացակարգ): Ի թիվս այլ մասնակիցների Ընթացակարգին մասնակցության հայտ է ներկայացվել նաև «Մոնոպրինտ» ՍՊ ընկերության կողմից (ՀՎՀՀ՝ 01844711, այսուհետ՝ Ընկերություն):

Ընթացակարգի գնահատող հանձնաժողովի 2-րդ նիստի արձանագրության 9-րդ կետով Ընկերությունը Ընթացակարգի հրավերի 1-ին չափաբաժնի մասով ճանաչվել է ընտրված մասնակից, իսկ 2025 թվականի հունիսի 24-ին ԵՊՀ և Ընկերության միջև կնքվել է «ԵՊՀ-ԷԱՃԱՇՁԲ-25/129-1» ծածկագրով պայմանագիր (այսուհետ՝ Պայմանագիր):

Կնքված Պայմանագրի աշխատանքի կատարման ժամանակացույցի համաձայն Ընկերությունը պարտավորվել է Պայմանագրի կնքման օրվանից հաշված 37 օրացուցային օրվա ընթացքում աշխատանքի կատարում իրականացնել, սակայն Պայմանագրով նախատեսված աշխատանքները մինչ օրս պատշաճ ձևով չեն կատարվել:

Պայմանագրի 2.1.3 կետի համաձայն «Պատվիրատուն իրավունք ունի միակողմանի լուծել պայմանագիրը, եթե Կատարողն էականորեն խախտել է պայմանագիրը», իսկ 2.1.3 կետի ա) ենթակետի համաձայն «Կատարողի կողմից պայմանագիրը խախտելն էական է

համարվում, եթե կատարված աշխատանքը չի համապատասխանում պայմանագրի N 1 և/կամ N 2 հավելվածով սահմանված պահանջներին», ինչպես նաև բ) ենթակետի համաձայն, «եթե խախտվել է աշխատանքի կատարման ժամկետը»: :

Տեղեկացնում ենք, որ «Գնումների մասին» օրենքի (այսուհետ՝ Օրենք) 6-րդ հոդվածի 1-ին մասի 6-րդ կետի ա) ենթակետի համաձայն Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե «խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը», ուստի Ընկերությունը Ընթացակարգի շրջանակներում ներկայացրած ապահովումները վճարելու պարագայում վերոնշյալ ցուցակում չի ընդգրկվի:

Հաշվի առնելով վերոգրյալը, ինչպես նաև Օրենքի 6-րդ հոդվածի 2-րդ մասի պահանջները, ԵՊՀ-ն որոշել է պայմանագիր կնքած անձի կողմից ստանձնված պարտավորությունները չկատարելու հիմքով Պայմանագիրն ամբողջությամբ միակողմանի լուծել:

ՀԱՐԳԱՆՔՈՎ՝

ԸՆԴՀԱՆՈՒՐ ՀԱՐՑԵՐԻ ԳԾՈՎ ՊՐՈԴԵԿՏՈՐ



Ա. Գ. ՄԱԼԽԱՍՅԱՆ